





# Gaa-dakobii'igaadeg Wiindamaagewin

Da-gichi-zhooniyaakenaaniwan Giiwedonong Ontario ani-akiiwang e-ayaamagakin 6 asiniikewinan (ozaawizhooniyaaya gaye banaadiyam) gaye 15 e-nanaandone'ond ge-moona'ind asin (ozaawizhooniyaaya, banaadiyam, nitiyam, ganaapa'id gaye waabasin-miskwaabik-PGE) imaa giiwedonong.

Iwe oodena Animikii-wiikendong gaye Zhooniyaakewin Gaa-izhi-anokaajigaadeg (CEDC) o-gii-anokii'aawaan MNP ji-gwayaanjitoowaad moona'isiniwin ji-onji-zhooniyaakeng ji-ozhichigaadegin ge-aabadakin asiniikeng gaye ji-gikino'amawin-dwaa ge-asiniikewaad, gaye bimi-ayaawin gaye ji-onaabiigisijigaadegin waasiga-neyaabiin, ge-inishkaagemagak zhooniyaakewin, nanaando-gikenjigewin gaye ozhichigewin, gaye wegonen ge-gibishkaagemagak asiniikeng.

## Gaa-ikidowaad Gaa-dagwiiwaad

MNP o-gii-onwaadaanaawaa owe gii-ishkwaa-ganoonaawaad gaa-anokiinid 18 asiniikewinan gaye 25 maamawichigewinan (93% gaa-dagwiiwaad) gaye o-gii-waabandaanaawaan wiindamaage-mazina'iganan ji-maawadoonamowaad wind-amaagewin asiniikewining onji gaye ji-ikidowaad enendamowaad gaa-wii-izhichi-gewaad igi CEDC.

 <p><b>Besho imaa Asiniikewining</b></p> <ul style="list-style-type: none"> <li>• Ji-onji-ondaawijigaadegin gegoonan.</li> <li>• Bimi-ayaawin gaye izhichigewin wiiiji'iwewin (daabishkoo bimiwidaasowin).</li> <li>• Aabajichiganan gaye ge-aabadakin wiiiji'iwewinan.</li> <li>• Ge-wiiiji'iwemagak asiniikeng (daabishkoo naagajichigewin, bimi-ayaawin, beki-chigewin, ahangewin, mino-ayaawin gaye godak).             <ul style="list-style-type: none"> <li>• Imaa besho ge-ziidoshkaagemagakin gegoonan (daabishkoo asiniikaan).</li> </ul> </li> </ul>	 <p><b>Anokiiwining Gikino'amaagewin</b></p> <ul style="list-style-type: none"> <li>• Ji-gikino'amawindwaa ge-inanokiiwaad imaa.</li> <li>• Ji-gikino'amawindwaa ji-asiniikewaad imaa.</li> <li>• Gwayak bimaadiziwin ji-gikenjigaadeg gaye anokiiwin wiiiji'iwewinan.</li> </ul>	 <p><b>Gechi-inenjigaadegin Asiniiwining</b></p> <ul style="list-style-type: none"> <li>• Bichibowin gaa-izhi-aabadak waakaa'iganan ji-ozhichigaadeg biiwaabik ge-aaba-dak (daabishkoo nitiyam, ganaapiin).</li> </ul>	 <p><b>Eyaamagak Aki</b></p> <ul style="list-style-type: none"> <li>• Ji-aabajichigaadeg aki gedananokiing imaa oodenaang.</li> </ul>
---	---	---	---


Asiniikewin Ge-aabadak gaye ge-izhichigeng Zhooniyaakewinan: Igi asiniikewin zhooniyaakewinan (gaa-adaawewaad) gii-ikidowag ji-ganawaaba-njigaadeg nawach ge-gizhaatabiseg ji-wiiiji'indwaa ge-adaawewaad apiichi-besh-owang asiniikewin, eyaamagakin adaawewigamigoon, ezhi-gikino'amaageng asiniikewin, ge-aabadakin asiniikeng, aawadaasowin, gaye bichiboowinan ge-aabajichigaadegin dazhiikawind awe asin.

Anokiiwin Asiniikewining Ngoijigo 2026 izhiseg da-ayaa anokiiwin asiniikewining gaye 2023 izhiseg da-ay-aamagan anokiiwin ozhichigewining giishpin gegoon gibisesinog.


<h1>3,600</h1> <p>Awashime 3,600 Anokiiwinan Asiniikeng da-ayaawan 2020 izhiseg</p> <p>Imaa 6 asiniikewining Giiwedino-ningaabii'anong Ontario</p>	<h1>100%</h1> <p>100% Ji-gaanjisemagakin Anokiiwinan Asiniikewining</p> <p>Ngojigo awashime 7,400 anokiiwinan da-ayaamaganon inenjigaade.</p>	<h1>2,000</h1> <p>Awashime 2,000 Anokiiwinan Ozhichigaadeg gegoon apii 2023 izhiseg</p> <p>Imaa 15 ge-izhi-nanaandosiniing inenjigaade Giiwedino-ningaabii'anong Ontario.</p>	<h1>7,000</h1> <p>Awashime 7,000 Anokiiwinan Asiniikewining ngojigo 2023 biinsh 2028 izhiseg</p> <p>Da-ayaamaganon anokiiwinan ozhichigaadeg gegoon gaye bimiwijigaadegin oshki-asiniikewinan gaye ini aazha gaa-ayaamagakin.</p>
--	---	---	---

Bimi-ayaawin gaye Ozhichigaadegin Waasiganeyaabiin: Gaawiin da-zanagasinoon ji-anokiing imaa ge-izhi-nanaandone'ond asin aaniish besho imaa ayaamaganon miikanawan gaye waasiganeyaabiin, gaawiin dash memwaach da-ozhichigaadesinoonan ini.

Waasigan Ge-aabadak: Ngojigo 2026 izhiseg 180 % da-ayaamagan, 195 MW biinsh 550 MW. Imaa Marathon-Greenstone (116 MW) gaye Onamani-zaaga'iganiing (84 MW) maawach da-gizhaatabise ji-aabajichigaadeg waasigan.



Zhooniyaakewin Ge-izhisemagak: Apii 2026 biinish 2028 izhiseg, ngojigo \$5.22 biniyan daswaabik gaye maawach (dibinawe, bakaan inake, gaye ge-izhised) \$8.71 biniyan daswaabik da-ozhi'aag-aniwi zhooniyaa.



## Ge-izhi-Ozhiitaanaaniwang Gaa-dakobii'igaadeg Wiindamaagewin

MNP gaa-izhinikaadeg o-gii-onwaadaanaawaa niizhwaaso ge-izhichigenaaniwang ge-gashkitoowaapan igi CEDC ji-ziidonigaadeg iwe maajichigaadeg asiniikewin imaa inake:

1. CEDC wewiib daa-maajitaawag ji-ozhisidoowaad ge-izhichigewaad ji-giizhichigaa-deg gegoon ishkwaaseg 2021.
2. Da-aanjichigaade iwe CEDC Mining gaa-izhi-daataanginigeng nawach ji-wendak ji-waabanjigaadeg wiindamaagewin gaye ji-meshkwadoonamaading wiindamaa-gewin imaa daataanginigewining.
3. Da-izhichigaade iwe CEDC asiniikewin onji-zhooniyaakeng gaye ji-wiindamaageng ji-gikenjigaadeg imaa Animikii-Wiikwedong e-ayaamagak niibiwa wiiji'iwewin, wiidanokiimidiwin, gikino'amaadiwin gaye wiindamaagewin asiniikewining onji.
4. Da-ayaamagan ji-wiiji'indwaa igi ge-wii-dagwiiwaad zhooniyaakewin gaye izhi-chigewinan ji-gikendamowaad awenenag eyaawaad imaa, ji-ziidonigaadeg iwe asiniikewin ge-zhooniyaakemagak.
5. Da-wiindamaagem Animikii-Wiikwedong ji-ayaamagak niibiwa gikino'amaagewin gaye ge-izhi-ozhichigaadeg niibiwa asiniikewin anokiiwin, ji-wiindamawindwaa gaye igi gaa-gikino'amaagewaad ge-ayaamagakin anokiiwinan ani-akiiwang.
6. Da-wiindamawaawag igi gaa-dagwiiwaad (daabishkoo waasigan gaa-ozhitoow-aad gaye gaa-miikanaachigewaad, gaye gaa-nanaandosiniwaad gaye asiniikewin gaa-anokaadamowaad, gaye ogimaawinan) imaa Bimi-ayaawin gaye Waasigan Ozhichigewin ge-andawenjigaadeg ge-aabadakin izhichigewining.
7. Da-naagadawaabanjigaadewan oshki-izhichigewinan gaye imaa oodenaang end-awendaagwak Zhooniyaakewin gaye Anokii'iwewin Asiniikewining onji.